

# Cyfundeb Dwyrain Morgannwg

## Undeb yr Annibynwyr

15 Chwefror 2011

Annwyl gyfeillion,

Cynhelir dau gwrdd pwysig yn y misoedd nesaf:

- Cwrdd Agored i aelodau neu swyddogion eglwysi heb weinidog ac i drefnu Sul y Cyfundeb yng Ngwesty Cardiff International, Tongwynlais am **10.30yb, dydd Mercher 9 Mawrth** (gweler map)
- Cwrdd Chwarter yn Minny Street, Caerdydd am **7yh, nos Fercher 4 Mai** gyda'r Pwyllgor Gwaith yn cyfarfod am 6yh (gweler map)

Gofynnir yn garedig i chwi roi gwybod am y digwyddiadau Cyfundeb uchod yn uniongyrchol ymysg eich aelodaeth gan eu bod wedi eu llunio i weld beth all y Cyfundeb wneud ar ran pawb mewn eglwysi.

### **Nodyn Arbennig - Llythyr ar ddolenni cyswllt rhwng eglwysi**

Yn sgil y Cwrdd Chwarter diwethaf daeth yn fwy amlwg fod angen syniadau o anghenion eglwysi heb weinidog er mwyn sicrhau fod y Cyfundeb yn fodd o weithio ar ran aelodau a bod yn fwy perthnasol iddynt. Gyda'r cylchlythyr diwethaf (dyddiedig 3 Ionawr), anfonwyd llythyr (gydag amlen hunan-gyfeiriad) yn amlinellu dyhead y Cyfundeb i fod o gymorth ymarferol, ac mae'r cyfle i roi gwybod am unrhywbeth o gwbl y teimlir gall y Cyfundeb wneud ar ran eich eglwys yn agored o hyd. Fel gwelir yn y cofnodion, heb roi gwybod i'r Pwyllgor Gwaith am faterion tebyg mae'n amhosib i'r Cyfundeb wybod os yw'n gwasanaethu eich eglwys yn y ffordd mwyaf effeithiol. Drwy gydgyssylltu mae'n bosib gellir ymateb neu o leiaf chwilio am gyngor pellach ar broblemau na ellir eu datrys ar lefel eglwysi unigol. Achubwch ar y cyfle i ddweud beth all y Cyfundeb wneud i aelodau - dewch i'r Cwrdd Agored (9 Mawrth) neu gyrrwch air yn yr amlen!

### **\*\*Nodyn Olaf - Apel am gymorth, Eglwys Unedig Llanfair, Penrhys\*\***

Un o'r lleoliadau pwysicaf i gynnal cyswllt tebyg yw Eglwys Unedig Penrhys a gofynnir am unrhyw help ymarferol gyda gwasanaethau ellir ei gynnig yma. Yn ddiweiniadog ers 2009, lluniwyd rota i'r gwahanol enwadau sydd yn rhan o'r eglwys i fod yn gyfrifol am wasanaethau - pregeth (Sul) a chymundeb (Mercher). Daeth cais i'r Annibynwyr ail-ymweld a'r rota cyn gynted a'r mis nesaf. Er ymdrechu mae'n naturiol yn profi'n anodd i lanw'r pulpud ar fyr rybudd. Gwneir apel felly ar i unrhyw unigolion sydd yn teimlo gallu i gynnig gwasanaeth Saesneg fer (40 mun i gyd, pregeth tua 10 mun am 3yh Sul, a defosiwn gymun debyg 9.30yb Mercher, drwy fis Mawrth) i roi gwybod i mi cyn gynted a phosib plis (manyllion cyswllt isod). Gwyrthiol fu ymdrechion eglwys Llanfair dros y blynyddoedd yn aml mewn amgylchiadau anodd, felly byddai unrhyw gymorth i fugeilio'r gymuned ysbrydol arbennig hon o werth enfawr.

Diolch i chwi am roi sylw i gynnwys y llythyr yma a gobeithio y cawn gwmni aelodau o'r Eglwys yn y cyrddau hysbysebair uchod.

Pob bendith,

GARETH EVANS

#### **Ysgrifennydd**

Mr Gareth Evans  
33 Pendragon Close  
Y Ddraenen/Thornhill  
Caerdydd  
CF14 9BD  
Tel: (029) 2052 2302  
Ebost: gareth.evans5@virgin.net

#### **Cadeirydd**

Parch Kevin Davies  
31 Amalfi House  
Ffordd Garthorne  
Caerdydd  
CF10 4DA  
Tel: (029) 2047 1525  
Ebost: d.k.davies@btinternet.com

#### **Trysorydd**

Mrs Heulwen Cooper  
3 Porth y Castell  
Y Barri  
Bro Morgannwg  
CF62 6QA  
Tel: (01446) 733784  
Ebost: heulwen@ntlworld.com